

खबरां शिवि सूरि कोला

- प्रधानमंत्री नरेंद्र मोदी होरें राश्ट्र निर्माण च करसानें दे योगदान दी सराहना कीती, आखेआ जे ओहू आत्मनिर्भर भारत गी मजबूत बना'रदे नं
- रक्षा मंत्री राजनाथ सिंह होरें आखेआ जे सशस्त्र बलें दे साबका सैनिक राश्ट्री चेतना दे जीवंत स्तम्भ ते सामूहिक साहस दे प्रतीक ना।
- भारत नै अपने नागरिकें गी ईरान छोडने दी सलाह दिती ते हेल्पलाइन नंबर बी उपलब्ध कराए ना।
- चीन-ईरान दी स्थिरता लेई अपने समर्थन दी पुष्टि करदा ऐ, सम्प्रभु राज्यें दे आंतरिक मामलें च अमरीकी दखल गी असवीकार करदा ऐ।
- भारत ते मलेशिया नै नमीं दिल्ली च आतंकवाद बरोधी उपाएं पर आयोजित 16मीं आसियान रक्षा मंत्रियें दी बैठक दी सह अध्यक्षता कीती।
- ते मौसम विज्ञान विभाग नै पंजाब, हरियाणा ते चंडीगढ च कल तोड़ी भीषण सीत लैहर दी स्थिति दा अनुमान लाया ऐ।



PM-Pongal

प्रधानमंत्री नरेंद्र मोदी होरें आखेआ ऐ जे करसान राश्ट्र निर्माण च सशक्त भागीदार ऐन ते उन्दे प्रयासें आत्मनिर्भर भारत अभियान गी मजबूती थ्होआ'रदी ऐ। उनें आखेआ जे केंद्र सरकार, करसानें गी सशक्त बनाने लेई प्रतिबद्ध ऐ ते एहूदे लेई अनथक प्रयास करा'रदे ना। श्री मोदी होरें अज्ज सूचना ते प्रसारण राज्यमंत्री डॉ. एल मुरुगन हुंदे आवास पर आयोजित पोंगल समारोह च आखेआ जे पोंगल पर्व, जीवंत तमिल संस्कृति ते प्रकृति कन्नै जुडाव दा उत्सव ऐ। प्रधानमंत्री मोदी होरें आखेआ जे पोंगल प्रकृति, परवार ते समाज कन्नै संतुलन स्थापित करने दा मार्ग प्रशस्त करदी ऐ। श्री मोदी होरें आखेआ जे पोंगल हुन इक वैश्विक त्यौहार बनी गेआ ऐ। उनें ते एहू करसानें दी मेहनत दे सम्मान च सूचक ऐ। उनें आखेआ जे एहू पर्व धरती ते सूर्य दे प्रति कृतज्ञता व्यक्त करने दा मौका ऐ। उनें आखेआ जे इस समें देश दे होरनें क्षेत्र बी लोहड़ी, मकर संक्रांति, माघ बिहू ते पोंगल जनेय त्यौहारें दे उल्लास च रूज्जे दे ना। एहू इक भारत श्रेष्ठ भारत दी भावना गी होर मजबूत करदा ऐ।



Rajnath-Veterans

रक्षा मंत्री राजनाथ सिंह होरें आखेआ जे साबका सैनिक राश्ट्री चेतना दे जीवंत स्तम्भ, सामूहिक साहस दे प्रतीक ते औने आहली पीढियें लेई प्रेरणास्रोत ना। सशस्त्र बल साबका सैनिक दिवस दे मोके पर अज्ज नमी दिल्ली च श्री सिंह होरें आखेआ जे साबका सैनिक राश्ट्र निर्माण दे हर मोर्चे पर योगदान दिंदे न ते अनुशासन नेतृत्व ते साहस जनेय गुणें करी समाज दा मार्गदर्शन करदे ना। श्री सिंह

अगे आखेआ जे अरिफ युद्धें च कोई जेत्तू नेई हुंदाते चीन अपने वैध ते कनूनी अधिकारें तेहितें दी दृढता नै राखी करोग। तोआई, संयुक्त राष्ट्र नै ईरदान दे स्थाई मिशन नै संयुक्त सुरक्षा परिशद ते संयुक्त राष्ट्र महासचिव कन्नै औपचारिक रूपै नै अपील करदे होई भडकाने, ईरान दे घरेलू मामलें च दखल करने ते सैन्य कार्रवाई दी धमकी देने दा आरोप लाया ऐ।

<><><><><><>

HM-Gujrat

गृह मंत्री अमित शाह होरें गुजरात दौरै दे दुए ध्याड़े अज्ज बडुलै अहमदाबाद दे जगननाथ मंदर दा दौरा कीता। श्री शाह होरें अहमदाबाद दे नारनपुरा इलाके च गुजरात आवास बोर्ड दी पुनर्विकास योजना तैहत सूर्य अपार्टमेंट सेक्शन-2 दा नींह पत्थर रक्खेआ। उनें अहमदाबाद दे नारनपुरा इलाके च उतरायण दे मौके पर अपने परोआर ते बीजेपी कार्यकर्ताएं कन्नै पतंगबाजी दा आनंद लैता।

<><><><><><>

Env. Minister Aravalli

पर्यावरण, जंगलात ते जलवायु परिवर्तन मंत्री भूपेंद्र यादव होरें अज्ज अरावली पवर्ततमाला च पारिस्थितिक संरक्षण प्रति सरकार दी प्रतिबद्धता गी दोहराया। उनें आखेआ जे अतिक्रमण ते अवैध खनन गी रोकने लेई अरावली दी कोई 97 किलोमीटर राजस्व भूमि गी स्थाई संरक्षित वन घोशित कीता गेआ ऐ। नमीं दिल्ली च अरावली परिदृश्य दे पारिस्थितिक पुनर्स्थापन पर आयोजित राष्ट्री सम्मेलन च श्र यादव होरें प्रधानमंत्री नरेंद्र मोदी हुंदे देश भरै च 26 करोड़ हेक्टेयर खराब जिमी दे पुनर्स्थापन दे मिशन पर लौऽ पाई। उनें आखेआ जे अरावली ग्रीन वाल परियोजना तैहत 6 लक्ख 45 ज्हार हेक्टेयर खराब जिमी दी पंछान कीती गेई ऐ जिस चा 2 लक्ख 70 ज्हार हेक्टेयर जिमी दा पुनर्स्थापन गुजरात, राजस्थान, हरियाणा ते दिल्ली च कीता जारदा ऐ।

<><><><><><>

Prez. Punjab

राष्ट्रपति द्रौपदी मुर्मू होर कल थमां पंजाब दे 2 दिनें दे दौरै पर रौहडना ओहू अमृतसर च गुरु नानकदेव विश्वविद्यालय दे स्वर्ण जयंती दीक्षांत समारोह च मुख परौहिनयां होडना। शुक्रवार गी राष्ट्रपति होर जलंधर च डॉ. अम्बेडकर राष्ट्री प्रौद्योगिकी संस्थान दे 21में दीक्षांत समारोह च 9 ज्हार 452 विद्यार्थियें गी डिग्री प्रदान करोग। राष्ट्रपति होर इस दरान उच्चे राष्ट्री झंडे ते साइबर सुरक्षा ते 5जी ते ओदे नै बी उन्नत स्तर दे दो उत्कृष्टता केंद्रें दा उद्घाटन करोग।

<><><><><><>

ASEAN Defence Minister Meet

नमी दिल्ली च अज्ज 16में आसियान देशें ते सहभागी देशें दे रक्षा मंत्रियें दी बैठक .. तैहत आतंकवाद कन्नै निब्वडने लेई विशेषज्ञ कार्य समूह दी बैठक शुरू होई। भारत ते मलेशिया एहदी संयुक्त अध्यक्षता करारदे ना। इस बैठक च आसियान दे 11 सदस्य देशें ते 7 सहभागी देशें दे प्रतिनिधिमंडलें कन्नै आसियान सचिवालय दे प्रतिनिधि शामिल होआ'रदे ना। एहू बैठक आतंकवाद रोधी मामलें च भारत दे बहुपक्षीय सहयोग गी होर मजबूत करने लेई त्रै बरे आहली कार्य योजना तैहत चलारदे ते नियोजित

गतिविधियों पर विचार-विमर्श करने लेई इक महत्वपूर्ण मंच प्रदान करदी ऐ। इस मौके पर रक्षा मंत्रालय दे संयुक्त सचिव अमिताभ प्रसाद होरें आखेआ जे आतंकवाद कन्नै लड़ने लेई सामूहिक प्रयास गै क्षेत्र दी शांति ते समृद्धि गी निर्धारित करोग।

<><><><><><>

Weather

मौसम विभाग नै आखेआ जे पंजाब, हरियाणा ते चंडीगढ़ च कल तोड़ी सीत लैहर दी स्थिति बनी दी रौहगा। अगले 2 दिनें तोड़ी दिल्ली, हरियाणा, पंजाब, चंडीगढ़ ते उत्तर प्रदेश चघना कोहरा छाए दा रौहने दा अनुमान ऐ। बिहार, उत्तराखंड, ओडिशा, जम्मू, हिमाचल प्रदेश, पच्छिम बंगाल दे गंगेय क्षेत्र, सिक्किम, असम ते मेघालय च अगले त्रै दिनें तोड़ी घना कोहरा छाए दा रेही सकदा ऐ। राजस्थान ते झारखंड च कल तोड़ी सीत लैहर दा प्रकोप जारी रौहगा।

<><><><><><>

Weather

समूलचे जम्मू-कश्मीर च सीत लैहर दा प्रकोप जारी ऐ। घाटी च जित्थे तापमान सिफर कोला हेठ दर्ज कीता जा रदा ऐ, उत्थै गै जम्मू दे बी केई हिस्सें च कड़ाके दी ठंड पवा'रदी ऐ। जम्मू दे पदरे इलाके च बडुलै ते रातीं'लै घनी धुंध पौने करी गड्डियें दी आओ-जाई बुरी चाल्ली प्रभावत होआ करदी ऐ। मौसम विभाग नै खित्ते च कल 15 जनवरी धोड़ी मौसम खुशक रौहने ते फही 16 ते 17 जनवरी गी उच्चियें धारें पर हौली बरखा जां बर्फबारी दे असार दस्से ना।

<><><><><><>

Kathua Search Operation

कठुआ जिले दे उज्ज दरेआ आहले इलाके दे नेड़े द'ऊं संदिग्ध दिक्खे जाने दी जानकारी मगरा सुरक्षाबलें आसेआ इलाके च तपाशी अभियान रम्भेआ गेआ। स्हाढे संवाददाता दी जानकारी मूजब द'ऊं संदिग्ध दिक्खे जाने मगरा सुरक्षाबलें पूरे इलाके दी घेराबंदी करी लैता ते इलाके गी खरी चाल्ली खंगालेआ जा'रदा ऐ तां जे इनें संदिग्धें दा पता लाइयै लोके दी सुरक्षा यकीनी बनाई जाई सकै।

<><><><><><>

JKBOSE Results

जम्मू-कश्मीर स्कूली शिक्षा बोर्ड नै अक्तूबर-नवंबर-2025 आहले सत्र लेई 10मीं ते 12मीं जमात दे सालाना रेगुलर म्तेयानें दे नतीजे दा अज्ज ऐलान करी दित्ता ऐ। 85.03 फीसद बच्चें 10मीं जमात च जिसलै के 84 अशारिया 0-2 प्रतिशत बच्चें 12मीं जमात दे म्तेयान च कामयाबी हासल कीती ऐ। ध्यानजोग ऐ जे कश्मीर घाटी सने जम्मू दे स्याले आहले जोन, लद्दाख, कारगिल ते लेह दे 94 ज्हार शा मते विद्यार्थियें 10मीं दा जिस्सलै के 70 ज्हार शा मते विद्यार्थियें 12मीं जमात दा एहू म्तेयान दित्ता हा। शिक्षा मंत्री सकीना इतू होरें इनें म्तेयानें च कामयाबी हासल करने आहले बच्चें गी मुबारकबाद ते शुभकामनां दित्तियां ना।

<><><><><><>